

БАТЛАВ:

ДОРНОГОВЬ АЙМГИЙН БАЙГАЛЬ

ОРЧНЫ ГАЗРЫН ДАРГА

..... /Д.СҮРЭН/

ДОРНОГОВЬ АЙМГИЙН

ИХХЭТ СУМЫН

ЗАСАГ ДАРГА

 /Х.ПҮРЭВ/

“МОНГОЛ САФАРИ”

ХХ КОМПАНИЙ ЕРӨНХИЙ

ЗАХИРАЛ

 /У.БУЯНДЭЛГЭР/

ДОРНОГОВЬ АЙМГИЙН ИХХЭТ СУМЫН “ГҮРВАН МАНДАЛ-ЭРЭЭН”
АГНУУРЫН БҮС НУТГИЙН ХАМГААЛЛЫН МЕНЕЖМЕНТИЙГ ХАРИУЦАХ
ГЭРЭЭ № 12/14

ГЭРЭЭНИЙ ҮНДЭСЛЭЛ

Энэхүү гэрээ нь агнуурын бүс нутгийн экосистемийг хамгаалах, тогтвортой хөгжлийн менежментийг хэрэгжүүлэх, ан амьтны санг хариуцан хамгаалах, түүнийг зүй зохистой ашиглах, нөхөн сэргээх, байгаль орчны асуудал эрхэлсэн Төрийн захиргааны төв байгууллагын бодлогыг, нутгийн иргэд, нөхөрлөл, байгаль хамгаалах төрийн бус олон нийтийн байгууллагууд зэрэг оролцогч талуудын үйл ажиллагааны харилцааг зохицуулахад чиглэгдэнэ.

ГЭРЭЭНИЙ ЗОРИЛГО

Тухайн бүс нутгийн ан амьтдыг оновчтой хамгаалалтанд авч, тогтвортой өсөлтийг хангах, зохистой ашиглалтын горимыг тогтоох, ан амьтны тоо толгой, сүргийн бүтцийг нарийвчлан тогтоох, мал, амьтны бэлчээрийн давхацлыг тодорхойлж түүнийг бууруулах арга замыг хайх, гадаад орчин, махчин амьтны нөлөөлөлд өртөх эрсдлийг багасгах зорилгоор биотехникийн арга хэмжээг цаашид авч хэрэгжүүлэх урт хугацааны менежментийн төлөвлөгөөг боловсруулан мөрдөж ажиллахад гэрээний гол зорилго оршино.

АГНУУРЫН БҮС НУТАГ

Дорноговь аймгийн Иххэт сумын Иргэдийн төлөөлөгчдийн Хурлын 2014 оны 10 дугаар сарын 23 –ны өдрийн 09/01 тоот тогтоолыг үндэслэн “ Монгол Сафари” ХХК нь тус сумын “ Гурван Мандал-Эрэн “ агнуурын бүс нутгийг тогтоолд заасан агнуурийн бүс нутгийн солбилцлолоор менежментийг хариуцан 2014 оны 10 дугаар сарын 28 ны өдрөөс 2024 оны 10 дугаар сарын 28 ны өдрийг хүртэл 10 жил эзэмшинэ.

ГЭРЭЭНД ОРОЛЦОГЧ ТАЛУУД

- Дорноговь аймгийн БОГазар,
- Дорноговь аймгийн Иххэт сумын ИТХурал, Засаг Даргын Тамгын Газар
- Агнуурын бүс нутгийн менежментийг хариуцагч “Монгол Сафари” ХХ Компани, харилцан тохиролцож энэхүү гэрээг байгуулав.

Нэг. Дорноговь аймгийн БОГазрын хүлээх үүрэг хариуцлага

- 1.1 Гэрээний хэрэгжилтэнд хяналт тавьж, удирдлага, зохион байгуулалтын туслалцаа үзүүлнэ.
- 1.2 Гэрээнд хамрагдсан сумын агнуурын бүс нутагт үйл ажиллагаа эрхэлж байгаа байгаль хамгаалах нөхөрлөлийн гишүүдэд байгаль хамгаалагчийн эрх, үнэмлэх олгуулах ажлыг холбогдох байгууллагуудад тавьж шийдвэрлүүлнэ.
- 1.3 Аймгийн БО Газар нь “Ховор амьтан агнах, барих тусгай зөвшөөрөл олгох журам”-ын 4.1-д заасан хүсэлт, аймгийн ан агнуурын менежментийн төлөвлөгөөнд үндэслэн дараа онд тусгай зөвшөөрлөөр агнах амьтны тоо хэмжээний саналыг аймгийн хэмжээнд нэгтгэн төрийн захиргааны төв байгууллагад жил бүрийн 8 дугаар сарын 20-ны дотор хүргүүлнэ.
- 1.4 Иххэт сумын агнуурын бүс нутгийн менежментийг хариуцагч “Монгол Сафари” ХХКомпанид хуваарилагдсан ахуйн /үнэг, хярс г.м/ болон тусгай зөвшөөрлөөр агнуулах, барих амьтдын төрөл, тоо толгойд хяналт тавьж ажиллана.

Хоёр. Сумын ИТХ, Засаг даргын Тамгын газрын хүлээх үүрэг хариуцлага

- 2.1 Сумын ИТХ нь амьтны нөөцийг хамгаалах, өсгөн үржүүлэх арга хэмжээний зардлыг тухайн жилийн төсвийн төсөлд тусгах.
- 2.2 Сумын нутаг дэвсгэр дэх ангийн нөөц бүхий нутаг дэвсгэрт нутгийн иргэдийн оролцоотой байгаль хамгаалах нөхөрлөл байгуулах ажлыг удирдлага, зохион байгуулалтаар хангаж ажиллах.

2.3 Байгалийн нөөц ашигласны төлбөрийн тухай хуулийн 18.1-д заасны дагуу тусгай зориулалтаар агнаж, барьсан ан амьтны төлбөрийн орлогын 50-иас доошгүй хувийг зөвхөн тухайн агнуурын бүс нутгийн ан агнуурын менежментийн төлөвлөгөөг хэрэгжүүлэхэд зарцуулах.

2.4 Агнуурын бүс нутгийн менежментийг хариуцагчийн ажлын гүйцэтгэлд хяналт тавьж ажиллахын зэрэгцээ төлөвлөгөөний биелэлтийн тайланг сумын ИТХ-аар хэлэлцүүлж тодорхой удирдамж, чиглэлээр хангаж ажиллах.

Гурав. “Гурван Мандал-Эрэн ” агнуурын бүс нутгийн менежментийг хариуцагч “Монгол Сафари” ХХ Компаний хүлээх үүрэг хариуцлага

3.1 Байгалийн нөөц, түүний өөрчлөлтийн тухай мэдээллийг сумын Засаг дарга, бусад байгууллага, албан тушаалтанд тогтоосон хугацаанд нь үнэн зөвөөр гарган өгч байна.

3.2 Байгалийн баялгийг түймэр, хөнөөлт шавьж, өвчнөөс сэргийлэх, тэдгээртэй тэмцэх, хор уршгийг арилгах арга хэмжээг холбогдох мэргэжлийн байгууллагатай авч хамтран хэрэгжүүлнэ.

3.3 Ургамал, амьтан бусад баялгыг хамгаалах, байгаль орчны төлөв байдлыг алдагдуулахгүй байх.

3.4 Агнуурын бүс нутгийн менежментийг хариуцагч нь “Ховор амьтан агнах, барих тусгай зөвшөөрөл олгох журам”-ын 4.6, 4.7-д заасан ховор амьтан агнах, барих гэрээний биелэлтийн тайланг аймаг, нийслэлийн байгаль орчны асуудал хариуцсан байгууллагад жил бүрийн 11 дүгээр сарын 15-наас өмнө хүргүүлнэ.

3.5 Агнуурын бүс нутгийн менежментийг хариуцагч нь байгалийн баялгыг хууль бус үйлдэл, гадны нөлөөнөөс хамгаалах, үүний тулд эргүүл гаргах, хяналт шалгалт зохион байгуулах, учирсан хохирлыг буруутай этгээдээр төлүүлэх асуудлыг холбогдох байгууллагад тавьж шийдвэрлүүлэх.

3.6 Агнуурын бүс нутагт зөвшөөрөлгүй ан амьтан агнасан, барьсан, өвс ургамлыг нь түүсэн хууль бус үйлдлийг таслан зогсоох, буруутай этгээдийг олж илрүүлэхэд байгаль орчны хяналтын улсын байцаагч, байгаль хамгаалагчид туслах.

3.7 Байгалийн тодорхой төрлийн баялгийг зохих хууль тогтоомж, ИТХ болон сумын Засаг даргаас зөвшөөрсөн хэмжээгээр байгаль орчинд халгүй аргаар ашиглах.

3.8 Гэрийн мал, зэрлэг амьтны бэлчээрийн давхцалыг бууруулах зорилгоор бэлчээрийг сэлгэх малчдын нүүдэл шилжилтийн талаар малчидтай харилцан тохиролцоно.

3.9 Гэрээний хугацааг сунгах хүсэлтээ гэрээний хугацаа дуусахаас 3 сарын өмнө сумын Засаг даргад гаргана.

Дөрөв. Санхүүжилт

4.1 Биотехникийн арга хэмжээ, булаг шандыг сэргээн засварлаж тохижуулах, хөв цөөрөм бий болгож камержуулах, амьтныг хамгаалах, сэргээн нутагшуулах, тоо толгой, нөөц, байршлыг тогтоож, өсгөн үржүүлэх, зардлыг оролцогч талууд харилцан тохиролцож санхүүжүүлнэ.

4.2 Агнуурын бүс нутгийн менежментийг хариуцагч нь “Амьтны тухай” хуулийн 23.4.2 заасны дагуу гэрээгээр эзэмшиж, ашиглаж байгаа агнуурын бүс нутагтаа хийлгэх нарийвчилсан агнуур зохион байгуулалтын ажлын зардлыг өөрийн хөрөнгөөр хийж гүйцэтгэнэ.

Тав. Маргааныг шийдэх, хариуцлагын тогтолцоо

5.1 Гэрээ байгуулсан талуудын хооронд маргаан үүсвэл аль болохоор харилцан тохиролцохыг эрмэлзэн ажиллах бөгөөд талууд харилцан тохиролцоонд хүрээгүй тохиолдолд аль нэг тал шүүхийн байгууллагад хандаж болно.

5.2 Гэрээнд заасан үүргээ зөрчиж, байгаль орчинд хохирол учруулсныг холбогдох байгууллагаас тогтоосон тохиолдолд Засаг дарга гарсан хохирлыг оролцогч талуудын хөрөнгөөр бүрэн арилгуулах, хамтын ажиллагааны гэрээг хүчингүй болгох хүртэл арга хэмжээг хууль тогтоомжийн дагуу авна.

Энэхүү гэрээг оролцогч талууд 2014 оны 10-р сарын 28-ны өдөр гарын үсэг зурж баталгаажуулж, 4 хувь үйлдэв.

Гэрээнд өөрчлөлт болон бусад хүчин зүйлийн шаардлагаар гэрээнд нэмэлт өөрчлөлт оруулж болох бөгөөд 2024 оны 10-р дугаар сарын 28-н хүртэл хүчинтэй.

**ДОРНОГОВЬ АЙМГИЙН ИХХЭТ СУМЫН БАЙГАЛЬ ОРЧНЫ
ХЯНАЛТЫН УЛСЫН БАЙЦААГЧ**

“МОНГОЛ САФАРИ” ХХ КОМПАНИЙ ДЭД ЗАХИРАЛ

...../М.ГАНБАТ /

...../С. ГЭЛЭГНЯМ/